

XVII.

Lettre de commission du Prince pour J. de Wesenbeke. —
Brit. Mus. Cotton MSS. Galba C. IV, 55.

1570, le 9^e Aoust.

—

Wilhelm by der gratien Goidts Prince van Oraeng[ien],
Grave van Nassau, Catzenellenboge etc., Heere ende
baroen van Breda, Diest, Grimbergen, etc. Borgrave

van Ant[werpen] ende Besanchon. Doen te weten, dat, Alzoe wy aen verscheyden personen ende diverse plaetssen in onse affairen ende om merckelycke oirsaken, daer on[s] ende den gemeynen besten veele aen gelegen is afveerdige[n] ende seynden onsen lieven getrouwuen Mr. Jacob van Wesenbeke, soe versueken ende begeren wy dat ghylieden ende elck van u sunderlinge die uuyt den Nederlanden om Goidts woordt verdreven zijt, oft u alnoc[h] in denzelven onder des Tyrants slavernyc houdende zijt, d[en]zelven Wesenbeke brengher deser ende thoonder derzelve[n] wilt gehoor ende gelooove gheven int ghene hy u van on[sen] wegen ende by onsen laste vercleeren, te kennen ghe[ven] ende voirhouden sal. Ende des gemeyne vaderlandts ende u eygen welvaert daerinne wilt helpen ende bystaen, ende voirderen, ende voort tot onsen dienste denzelven in het volvueren van zynen laste al[le] gunste, ende voirdernisse doen. Daerinne ghy [hem?] ende ons eenen aangenamen dienst doen zult, diens w[y] gheerne indachtich willen wesen daert te passe sal moge comen. Hiermede ulieden God Almachtich bevelende. Ghegeven tot Dillenburg op de[n] negensten dach van Augusto 1570.

GUILLAUME DE NASSAU.
